



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

ԵՐԿՐԻ ՊԱՅԼԱԻԱՅ

891.99

F-19.

THE UNIVERSITY OF CHICAGO
LIBRARY
1938

~~11/5~~
75 29/11/38

~~11/5~~
75 29/11/38

891-99
F-19

01 JAN 2009

Հրատարակութիւն ԼԵՒՈՆ ՍՍՐԻԲԼԻՍ 00 DEC 2011

№ 9/94

27 FEB 2013

ԳՐԻԳՈՐ ԲԱԼՍԱՆՅԱՆ

ԵՐԿՈՒ ՊԱՅԼԱԻԱՆ

(Սասունի հիմնադիրները)

1001
4611

ԳԻՒՑԱԶՆԵՐԳԿԱՆ-ՊԱՏՄԱԿԱՆ ՊՕԷՄ

«ՍԱՍՄԱՅ ԺՌԵՐԻ ՅՈՒՇԻԿՆԵՐԻՑ»

(ԱՐՏԱՏՊՈՒՄԸ «ԼՈՒՄԱՅ» ԳՐԱԿԱՆ ՀԱՆԴԻՍՈՑ)



ԹԻՖԼԻՉ 1904

Տպարան „ՀԵՐԱՄԷՍ“ ԸՆկ. Մաղար. փող., 15.

(65)

4 APR 2014

23138

APR 18 1904

APR 18 1904

APR 18 1904

Дозволено цензурою, 19 Августа 1904 года. г. Тифлисъ.

ԵՐԿՈՒ ՊԱՀԼԱԻԱՆ

(Սասունի հիմնադիրները)

I.

Մեր հին Հայկական պատմութիւններում
Գրուած է, թէ վաղ ժամանակներում
Կուսպաշտական ունէր գոյութիւն
Ասորեստանի թագաւորութիւն:
Քրիստոսից առաջ տարիներ հազար
Քաջ, տիրապետող այդ ազգի համար
Մի մեծ թագաւոր կար Սենեքերիմ,
Հոգով բռնակալ, չար և ոխերիմ:
Թշնամի դարձած հայերին *) կատէր,
Ինքը կուսպաշտ, Աստուած չըզխէր.
Միակ նպատակը—չարի ճանապարհ,
Անգութ արարքով լցրել էր աշխարհ:
Եւ քանի անգամ ժողովեց զօրքեր,
Հայի աչքերից ցօղեց արցունքներ.
Հին Հայաստանը դողում էր անից
Ու փախչում մարդիկ վերահաս մահից:
Մի անգամ ևս մտաւ Հայաստան,

*) Սենեքերիմի ժամանակ հայերը դեռ քրիստոնեայ չէին:

Պարզեց օդի մէջ դբօշ յաղթութեան
 Եւ վերագարձաւ անթիւ աւարով,
 Շղթայած անմեղ շատ գերիներով.
 Գերիների մէջ կար մէկ հայ աղջիկ,
 Մազերով երկայն, գէմքով գեղեցիկ.
 Սենեքերիմը երբ նրան տեսաւ՝
 Հաւանեց իսկոյն և ամուսնացաւ.
 Ապա ունեցաւ երկու գաւաղներ,
 Երկուսն էլ աղայ, կնորիճ ոյժի տէր,
 Մէկն Ասլի-Մէլիք, միւսը Սանասար.
 Բայց Սենեքերիմ՝ կեանքին հաւասար՝
 Սիրում էր միայն կանգնեցրած կուռքեր,
 Որոնց բերում էր կենդանի գոհեր,
 Եւ ծնրագրրած երկրպագում էր
 Նրանց առաջ և աղօթում էր,
 Ե՛ւ հաւատում էր նրանց մշտական
 Զօրութիւններին երեսակայական...
 II.

Մի անգամ նորից զօրքով արշաւեց
 Եւ Հայաստանում գիւղեր աւերեց.
 Բայց այս անգամին մէկ հողի, մարմին
 Դառած հայերը Սենեքերիմին
 Նեղը լծեցին. յուսահատ արքան
 Դիմեց իր պաշտած կուռքի զօրութեան

Եւ բացականչեց. «Ո՛վ կուռք զօրաւոր,
 Ազատիր տեղից այս վտանգաւոր,
 Եւ երբ ողջ գառնամ՝ խոստանում եմ քեզ.
 Իմ երկու աղայք անել սղջակէզ...»

III.

Կինը անհանգիստ մարդուն կըյլիշէր,
 Վատ երազ տեսաւ յանկարծ մի գիշեր,
 Որպէս թէ երկու փայլուն ճրագներ
 Զով-Չով ձեռքերին նա բռնած ունէր.
 Մերթ վառվում էին լոյսերով պայծառ,
 Մերթ հանգչել ուզում ու կիսախաւար...
 Առաւօտը վաղ քնից զարթելով
 Մայրը վշտալից միտը բերելով
 Եղելութիւնը տեսած երազի՝
 Պատմեց տղերանց «Թէ ձեր մուրազի
 Կարօտին հասնել կ'ուզէք անփորձանք,
 Աշխատեցէք շուտ ազատել ձեր կեանք...
 Երկու ճրագներ տեսայ երազում,
 Մերթ վառվում էին, մերթ հանգչել ուզում.
 Երեւոյ և ինձ մի սուրբ ալևոր,
 Յայանեց՝ ձեր հայրը կովում հեռաւոր
 Զօրքով պաշարուած շատ նեղացած է,
 Կուռքին գոհելու ձեզ խոստացած է,
 Երբ վերագառնայ—ձեզ մատաղ կանի,

Ո՛վ անգուլթ հօրից ձեզ կըպաշտպանի,
Արդէն սրտի մէջ մտել է չարը,
Գնացէ՛ք, գտէ՛ք ձեր դիտի ճարը...»

IV.

Խեղճ տղաները, հօրից վախեցած,
Հացի պաշարով պարկը շալակած,
Ճանապարհ ընկան Աստուած կանչելով,
Իրենց սև օրուայ բաղդն անիծելով:
Շատ պտտեցին, շատ երկիր տեսան,
Մինչև մի նեղ ձոր *) վերջապէս հասան.
Այդ ձորի միջով վազում էր մի գետ **)
Եւ բարակ առու գալիս նրա հետ
Խառնվում միւս կողմից և շերտում ոյժով
Մինչև մէջ տեղը բարձր աղմուկով:
Այս բանի վրայ շատ զարմանալով
Կանչեց Սանասար մեծ հիացմունքով.
— «Նայիր այս ջրին, սհ, Ասլի-Մէլիք,
Ինչպիսի աղմուկ հանում են ալիք.

Ո՛վ գտնի աղը
Եւ մի տուն շինի՛

*) Սասունի նշանաւոր ձորը:

**) Մուրադ-2այ:

Այսպէս գաւաղը
Ուժնդ կըլինի *)...»

V.

Երկու եղբայրներ առուն բռնելով
Գասն աղբիւրը երկար ման գալով.
Իսկոյն ձգեցին աղբիւրի գլխին
Հսկայական հիմք բերդի ահագին:
Ասլի-Մէլիքը ջանքով անխնայ
Միշտ աշխատում էր շինութեան վրայ,
Իսկ Սանասարը որսի էր զընում,
Երբեմն պարապ՝ եղբօրն էր օգնում:
Ասլի-Մէլիքը վերջին մի օրը

*) Սանասարի նախազգացածը կատարվում է վերջը. ունենում է մի տղայ «Առիւծաձև Մհեր» տնունով. սա այնքան ուժեղ և բաջ է լինում, որ տանմէկ տարի գեռ չըլլացած հասակում յաղթում, սպանում է Առիւծ վիշապին և ժողովրդի կեանքը ազատում է սովի ճանկերից: Զարմանալի է, թէ ինչու պ. Մանդինեանի «Գիւցագնական աշխարհում» ոչ մի յիշատակութիւն չըկայ «Առիւծաձևի» մասին, մինչդեռ վարիանսներում և համակրելի է և հիմք ու գոյութիւն ունի Առիւծ-վիշապի հետ եղած այդ արկածը (տես մեր երկրորդ փորձ): Ժողովրդականի կողմից այդ արկածում երևակայեցէք ինչպիսի՞ դիցարանութիւն և ինչպիսի՞ բարոյական մրցական ու

Գնաց և տեսաւ քնած եղբօրը,
 Թափել էր գեանին արիւնտա որսեր.
 Նրա վիճակին շատ կարօտասէր
 Միրտը կսկծաց. «Վէր կաց, Սանասար,
 Բնւ, թափառական ընկանք սարէսար.
 Թողնենք այստեղը անմարդաբնակ,
 Ապրել չի լինի երկուսով մենակ.
 Գնանք բազմամարդ քաղաքներ մտնենք,
 Յաւող, օգնական մեզ մի «տէր» գտնենք.
 Մինչև երբ ուտենք հնւմ, անալի միս,
 Շատ չարչարուեցինք այս քանի ամիս.
 Դեռ կիսակառոյց ըբրդի շինութեան
 Վրայ թափեցինք քրտինք բաւական.
 Ի՞նչ խելքով, ասն, շինում ենք այս բերդ
 Եւ փըշացնում իզուր սիրա ու լերդ.
 Եթէ գթաւատ Աստուած կամենար՝
 Մեր հօր պալատը, ամրոցը կըտար...»

գեղասիրական զգացմունքների և սկզբունքների ազ-
 բիւրներ են պատկերացած: Զգալ ժողովրդի անել
 դրութիւնը, մտռանալ անձը և գնալ մեն-մենուկ, այ-
 նել 1\ տարէն հասակում, քաղցած Վիշապ-առիւծի
 դէմ մենամարտելու և յաղթելով աղտուի սովի ան-
 դուրթ ճիրաններից մի ժողովրդի ամբողջ կեանք,—
 յերաւի ինչ հրաշալի անձնուիրութեան և վսեմ գա-
 դափարական յաղթանակող օրինակ:

Եւ եղբայրները ճանապարհ ընկան,
 Բերդը թողեցին ու առաջ եկան
 Թագաւորի մօտ Երուսաղէմի.
 Խոր գլուխ տարով նրան մի առ մի
 Պատմեցին ախուր իրենց դրութիւն՝
 Հայցելով գթած, բարի օգնութիւն.
 — «Խեղճ ենք,—ասացին երկու եղբայրը,—
 Տանից հեռացրեց մեզ անդուրթ հայրը.
 Ճակատագիրը այս է վիճակել.
 Այժմ եկել ենք, քո ոտքն ընկել,
 Եւ յայտնում ենք քեզ, ո՞վ մեծդ արքայ,
 Որ եղբայրներին ցաւող աէր չըկայ.
 Ներքեր դու ես, վերեր Աստուած.
 Մեզ պահպանելու եղիր ողորմած.
 Դրա փոխարէն կարանք ծառայիլ,
 Աշխարհի առաջ չենք ամաչացնիլ»:
 — «Հայրը որդիերանց մնց կարհամարհի,
 Ո՞ւմ զաւակներն էք և ո՞ր աշխարհի».
 Հարցրեց թագաւորն Երուսաղէմի.
 — «Մենք զաւակներն ենք Սենեքերիմի,
 Որ թագաւոր է նստած Բաղդադում *),

*) Թէև ժողովուրդը այստեղ յիշում է Բաղդա-
 զի անունը, բայց ժամանակագրական պատմական
 փաստերի հետադատութիւնները ցոյց են տալիս, որ

Հոգով բռնակալ—սարսափ է ազդում
 Խեղճ հայոց ազգին և քէնախնդիր
 Քանիցըս անգամ Հայաստան երկիր
 Արշաւանք գործեց, քանդեց, աւերեց,
 Շատերին անմեղ շղթայով գերեց.
 Բայց վերջին անգամ, նեղուած հայերից,
 Խոստացաւ կուռքին—երբ պատերազմից
 Ողջ վերադառնայ—մեզ մատաղ անել,
 Սակայն մեր մայրը կուզէր պաշտպանել,
 Պատմեց զիշերով տեսած երազը.
 —«Թէ կըսիրէք դուք ձեր կեանք, մուրազը՝
 Գնացէք, ասաց, ուրիշ աշխարհներ,
 Գտէք ձեր գլխին փրկող հնարներ...»
 Ահա փախել ենք հեռու վաթանից,
 Բռնակալական մեր հօր ճիրանից.
 Այժմ խնդրում ենք քեզ մօտ ընդունես
 Հայրական սիրով և մեզ պահպանես...»

VII.

Բայց նրանց առաջ արքան թափ տուեց

Բաղդադը Սենեքերիմի ժամանակ գոյութիւն չէ ու-
 նեցել, և բացի այդ, Բաղդադի խալիֆաները եղել
 են միշտ մահմեդական և ոչ թէ կուպաշա, իսկ Սե-
 նեքերիմը, Ասորեստանի այդ թագաւորը իրօք եղել
 է կուպաշա:

Ամուր պողպատը ու պատասխանեց.
 —«Ցաւում եմ, հօրից վիճակուած որք էք,
 Բայց ձեզ ընդունել չեմ կարող երբէք,
 Լսելով տղերքն էք Սենեքերիմի,
 Որ մեր ազգի հետ շատ է թշնամի.
 Ձեր մեռնիներից հեռու ենք փախչում,
 Կենդանիներին չենք էլ ճանաչում.
 Գնացէք, տէր չենք ձեր գլխի համար,
 Այտեղ գործ չըկայ ձեզ վայել յարմար...»

VIII.

Նեղացած սրտով երկու եղբայրը
 Գնացին դէպի Մշոյ աշխարհը,
 Մուշեղ անունով թագաւորի մօտ.
 —«Բաղդից հալածուած, օգնութեան կարօտ՝
 Եկել ենք քեզ մօտ մենք աղաչելու,
 Որ կամք ունենաս մեզ պաշտպանելու,
 Դրա փոխարէն կարանք ծառայիլ,
 Աշխարհի առաջ չենք ամաչացնիլ»:
 Խնդրական ձևով նրանք ասացին
 Եւ թագաւորին գլուխ իջեցրին.
 —Ո՞ւմ զաւակներն էք և ինչո՞ւ համար
 Եկել էք հեռուից այս օտար աշխարհ.
 Ի՞նչ կարիք ունէք, ասացէք, որդիք,
 Կըկատարեմ ես ձեր համեստ խնդիրք...»

— «Ո՛հ, պակասութեան մենք չունենք կարիք»
 Ստիպուած եղանք թողնել հայրենիք,
 Որովհետեւ մեր հայրը բռնակալ
 Ուզեց իր պաշտած կուռքին մեզ զոհ տալ
 Ու այդ պատճառով, մեր մօր խորհրդով,
 Փախանք այս կողմը՝ վտանգն զգալով:
 Սենեքերիմ է անունը մեր հօր,
 Ինքը կռապաշտ և քաջ թագաւոր...»
 — Հերիք, լռեցէք, այս ինչ եմ լսում...
 Ձեզ պէս տղերանց շատ եմ ափսոսում,
 Որ չէք ծառայիլ ինձ հաւատարիմ,
 Երբ որ ձեր հայրն է չար Սենեքերիմ.
 Թող հեռու կորչի անզգամ շունը,
 Մի յիշէք նրա կեղտոտ անունը.
 Նա թշնամի է, չունի խիղճ, ամօթ,
 Իր գէշ արարքով աշխարհին ծանօթ...
 Ի՞նչ խելք, թշնամուն տանըս ընդունեմ,
 Ի՞նչ է, նրանից անհանգիստ լինեմ.
 Ո՞ր անմիտ հովիւ կ'ընդունէ գայլին
 Իր շան փոխանակ պահապան հօտին.
 Այնտեղ գնացէք — կամենում էք ուր,
 Ձեր ատամներին չըկայ կերակուր...»
 Այսպէս արքան էլ Մշոյ աշխարհի
 Կտրեց յոյսերը խեղճ եղբայրների...



IX.

Մուշից հեռացան և ճանապարհին
 Երկու եղբայրը մտքումը դրին
 Երթալ այս անգամ Մակրօն արքային.
 Սանասարն ասաց Ասլի-Մէլիքին.
 — Եղբայր, սևերես ի՞նչ ենք ամաչում,
 Մենք այդ հօրիցն ենք զգուանքով փախչում.
 Էլ ինչո՞ւ համար այդ շան անունը
 Մեզ վրայ դրել, քանդում մեր տունը,
 Ե՛կ, այսուհետեւ նւմ մօտ որ գնանք,
 Կամ ով որ հարցնէ՝ այս պատասխան տանք,
 Թէ մենք բան չունինք, տուն ու ծնողներ,
 Գուցէ մարդիկը մեզ էլ գառնան աւեր...»

X.

Տխուր, յուսահատ ընկան ճանապարհ
 Դէպի Խլաթայ հեռաւոր աշխարհ.
 Երբ թագաւորը տեսաւ երկուսին
 Փառաւոր կերպով կանգնած առաջին՝
 Շատ սիրեց նրանց և շատ հաւանեց.
 «Ո՞ր աշխարհիցն էք, քաղցրութեամբ հարցրեց.
 — «Բաղդադ քաղաքից, — պատասխանեցին
 Եւ խոնարհութեամբ գլուխ տուեցին.

Երկու եկբայրն էլ շատ զարմանալի
 Շնորհքով էին և ակնածելի.
 Հասակները մեծ, ինչպէս վեհ լեռներ,
 Դէմքեր անարկու և հուժկու կռներ.
 Գեղեցիկ տեսքից Մելքօն թագաւոր
 Հիացած՝ հարցրեց. «Ի՞նչ է հարկաւոր,
 Ասացէք, որդիք, լսել պատրաստ եմ,
 Ձեր վիշտ, նեղութիւն ես կրփարատեմ»:
 —«Մեզ հարկաւոր չէ հարստութիւն, գանձ,
 Այլ կամենում ենք, ոգով աննախանձ,
 Ապաստանելով քեզ մօտ ծառայել
 Եւ սէր, բարիքներ — մեր գործին վայել—
 Ստանալ քեզնից. նեղութեան օգնիլ
 Եւ յուսով եղիր — չենք ամաչացնիլ...»
 —Ի՞նչ ունէք, չունէք, ասացէք, որդիք,
 Ծնող, ազգական կամ տուն, հայրենիք...»
 —«Բաղդադ քաղաքն է հայրենիքը մեր,
 Ծնողից զրկուած որբեր ենք անտէր,
 Աշխարհն է բացօդ մեր օթեանը,
 Աստուածն է եղել մեր պահապանը.
 Նա վերևիցն է, իսկ չըկայ ներքև
 Պայծառացնող մեր խաւար արև.
 Անողորմ բաղդից մենք հալածական՝
 Ընկանք սար ու ձոր խեղճ թափառական:
 Բարերարութեան բաղխեցինք դռներ,

Բայց իզուր անցան մեր բոլոր յոյսեր:
 Մարդկանց քարացած և բիրտ զգացմունք
 Չըզարթեցրեց մեր աղի արցունք,
 Ո՛չ կարեկցութիւն և ո՛չ սփոփանք,
 Քանի տառապեց անկայուն մեր կեանք...
 Արդ՝ խնդրում ենք քեզ, արքայ բարերար,
 Հոգատարութիւն մեր կեանքի համար.
 Դնւ եղիր մեզ հայր և միշտ պահպանի,
 Թո՛ղ քո շուքը մեզ լինի հովանի...»

XI.

—Բաց է ձեր առաջ ամբողջ Խլաթը,—
 Իսկոյն արքայի շարժուեցաւ գութը.—
 Իմ քաղաքի մէջ ազատ ապրեցէք,
 Եւ նեղ ժամերին դուք ինձ օգնեցէք»:
 Ապա հրամայեց իր ծառաներին.
 —«Տարէք մի լաւ տեղ այս եղբայրներին,
 Թո՛ղ շոկ սենեակում միասին ապրեն,
 Այնտեղ իմ հաշուով հաց տան, կերակրեն...»
 Երկու եղբայրը հիւրընկալուեցին
 Եւ թագաւորից անչափ սիրուեցին.
 Ասի-Մէլիքը եղաւ ղահուէշի *),
 Իսկ Սանասարը կարգուեց շիւրուշի **):

*) Սուրճ տուող:

**) Ծխաքարչ տուող:

XII.

—«Տարին լրացաւ,—վէզիրը մի օր
 Ասաց Մելքօնին,—լսիր, թագաւոր,
 Մեզ մօտ ապրում են դեռ այդ տղաներ,
 Բայց առանց վարձի և ձրիակերէնք...
 Ի՞նչ օգուտ ունեն, ես չեմ հասկանում,
 Որ հաց ես տալիս, իզուր պահպանում,
 Ինչո՞ւ օտարը մեր մէջը ապրի,
 Մեր «լաւն ու վատը» աչքովը տեսնի...»
 —Բարի խորհրդիդ լսելուն հազիր՝ *)
 Ասան ինչ անենք, պատուական վէզիր...»
 —«Այդ տղաներին մի օր կրկանչես
 Փորձելու համար, որ դու ճանաչես
 Ի՞նչ հունար ունին կամ թէ քաջութիւն,
 Արդեօք նեղ օրում կանեն օգնութիւն...»
 Արքան հաւանեց վէզիրի խօսքին
 Եւ հըրամայեց կանչել տղերքին.
 Տղերքը եկան արքունի պալատ,
 Մելքօնի տուջ կանգնեցին ազատ.
 —«Ի՞նչ կամք, թագաւոր, պատրաստ ենք լսել».
 —«Ոչինչ, ձեզ միայն այն կուզեմ տեսլ,
 Վաղը կըլինի մեծ ճակատամարտ,
 Դուք կերթաք կռուի—ինչպէս տղամարդ...»

*) Պատրաստ:



Վաղը լուսացաւ, երկու եղբայրը
 Առան գուրգերը, հեծան ձիերը,
 Դուրս եկան մէյդան ջիրիդ խաղալով,
 Եկաւ արքան էլ իր մեծ ղօշունով: *)
 —«Կռուելու կերպը թո՛ղ լինի այսպէս՝
 Ասլի-Մէլիքը, վէզիրը և ես.
 Իսկ դու, Սանասար, մի կողմի վրայ
 Վերցրու ղօշունը, ինչ որ այստեղ կայ»:
 —Ո՛չ, ո՛չ, թագաւոր,—ասաց Սանասար,—
 Դուք մեղք կըլինէք և անհաւասար»:
 —«Հապա ս՛նց կուզես,—յառեց թագաւոր,—
 Որ գործը լինի խղճմտանքաւոր»:
 —«Ես ու եղբայրըս մի կողմը լինենք,
 Թո՛ղ ղօշուն/ու հետ երկուսով կռուենք»:
 —Թո՛ղ այդպէս լինի,—արքան յօժարուեց.
 Եւ կարճ միջոցում կռիւն սկսուեց.
 Կատաղի կռիւ, սաստիկ եղաւ ջարդ,
 Այնքան զօրքերից չազատուեց մէկ մարդ:
 Երբ թագաւորը տեսաւ զօրք չըկայ,
 Փրփրեց, բարկացաւ վէզիրի վրայ.
 —«Բո տունը քանդուի, այս ի՞նչ արեցիր,

*) Զօրքով:

Ամբողջ ղօշունը գնւր կոտորեցիր.
Դրանք իսկապէս եղել են մարդիկ,
Իսկ մենք թուլամորթ և վախկոտ կնիկ...



Հետեւեալ օրը եղաւ հրաման
Պատժել վէզիրին—դէպի կախադան:

XIV.

Այդ քաջութիւնով շատ հռչակուեցին
Երկու եղբայրը, բայց չըմնացին
Երկար ժամանակ իլաթ աշխարհում,
Ուրիշ ծրագիր ունէին մտքում.
—«Շ՞րք պէտք է հասնենք մեր նպատակին,
Սանասարն առաց Ասլի-Մէլիքին.
Զուր ծառայում ենք տէրութեան օտար,
Բայց մնաց շէնքը մեր կիսակատար
Աղբիւրի գլխին, առանց հետեանք,
Ինչո՞ւ գուր անցնի այնքան աշխատանք.
Տէր է հարկաւոր, որ տայ ժողովուրդ,
Ուրեմն, եղբայր, լսիր իմ խորհուրդ.
Ո՛չ դու առաւօտ սուրճ կըմատուցես,
Ո՛չ էլ ծխաքարը կըպատրաստեմ ես.
Հաստատ պայմանին՝ Մելքօն արքային
Վաղը չ'երևանք մենք ամենևին.

Այս բանից դրդուած նա կըբարկանայ.
Պատճառի համար կըտեղեկանայ.
Իսկ մենք չըվախենք կանչած ժամանակ,
Այլ բացատրենք մեր վեհ նպատակ...



Եւ եղբայրները պայման կապեցին՝
Զերթալ արքային համաձայնուեցին:

XV.

Երբ թագաւորը տեսաւ առաւօտ
Երկու եղբայրը չեկան իրեն մօտ,
Կանչեց ու ասաց—«Ի՞նչ էք մտածում,
Ինչու համար էք հակակրանք տածում
Դէպի իմ անձը, որ ձեզ սիրում է.
Հօրից աւելի ինամք տանում է.
Գուցէ կարծո՞ւմ էք, թէ նեղացած եմ,
Իբր ձեզանից վրէժ կըլուծեմ,
Որ կոտորեցիք այնքան զօրք անբաւ,
Վէզիրն արդէն պատիժն ստացաւ.
Ընդհակառակը ես շատ ուրախ եմ,
Որ ձեր շնորհիւ ուրշից չըվախեմ,
Այլ թէ վախենայ ինձնից թշնամին,
Թե՛ւ թիկունք լինէք ննդութեան ժամին.
Ուրեմն, այսօր ինչո՞ւ չէք եկել,

Ինձ համար ծխաքարչ և սուրճ պատրաստել-
 Հայր չունէք, ասեմ, մտածում լինէք,
 Մայր չունէք, ասեմ, կարօտը քաշէք.
 Ձէ որ առաջուց հարցրի «ունէք ինչ»,
 Պատասխանեցիք «բան չունենք ոչինչ»,
 Էլ ինչո՞ւ համար տխուր էք, սրդիք,
 Բացատրեցէք ճշմարիտ ձեր միտք...»

XVI.

— «Ճշմարիտ է, որ չունինք հայր ու մայր,
 Ո՛չ տուն, ազգական, ո՛չ ուրիշ եղբայր,
 Բացի համակրանքն Ձերդ արքայի,
 Բայց կուզենք յայտնել—մի տեղ ամայի
 Շէնք ենք սկսել բերդի անառիկ
 Եւ վրէն թափել աշխատանք, քրտինք.
 Բայց կիսատ թողել, այս կողմը եկել.
 Այս բանը քեզնից չենք ուզում ծածկել.
 Ուստի խնդրում ենք լսես մեր խորհուրդ,
 Օգնելու համար մեզ տաս ժողովուրդ...»
 Եւ սկսեցին պատմել միասին
 Բերդի շինութեան, աղբիւրի մասին:
 Ողորմած արքան խորհուրդը լսեց,
 Նրանց քառասուն տուն յանձնարարեց
 Եւ ասաց. «Որդիք, առէք գնացէք,
 Ձեր կիսակատար բերդը շինեցէք...»

XVII.

Միւս առաւօտը ճանապարհուեցին,
 Այն աղբիւրի մօտ իջևանեցին.
 Մանասարն ասաց Ասլի-Մէլիքին.
 —«Արդեօք ի՞նչ կ'ասես, եղբայր, այս մտքին.
 Առաջ սկսենք շինութիւն բերդի,
 Թէ՛ կացարաններ խեղճ ժողովրդի»:
 Ասլի-Մէլիքը տուեց պատասխան.
 —«Աղքատ ժողովուրդ առանց բնակարան
 Ի՞նչպէս դիմանայ արեգական տակ.
 Նախ պէտք է նրա բարւոքենք վիճակ»:
 Եւ սկսեցին շինութիւնները
 Այնպէս եռանդով քաջ եղբայրները,
 Որ տասը տան տեղ փորում, պատրաստում
 Եւ մի օրուայ մէջ տասը տուն շինում.
 Պարիսպները պինդ բարով, աղիւսով,
 Տները շինում իրենք երկուսով.
 Իսկ ժողովուրդը փայտեր էր բերում
 Եւ ցեխ կրելու պաշտօն կատարում.
 Այսպէս չորս օրում քառասնաչափ տուն
 Աւարտեցին շուտ, արին բնակութիւն.
 Ապա կիսատը բերդի սկսան,
 Եւ եղբայրները քաջ էին այնքան,

Որ քարէ սեան տեղ քար սիւն զարկեցին,
Մի տարի միջոց—բերդն աւարտեցին...

XVIII.

Ասլի-Մէլիքը վերկացաւ մի օր
Գնաց Մէլքօնին. «Գոհ ենք, թագաւոր,
Որ դու լսելով մեր բարի խորհուրդ՝
Տուիր մեր ձեռքը օգնող ժողովուրդ.
Մենք քո որդիքն ենք. բերդը շինել ենք,
Քեզ մօտ խնդրելու ան հկել ենք,
Որ բարեհաճես մեզ հետ այնտեղ գաս
Եւ գեղեցկաշէն բերդին անուն տաս...»
—«Լաւ է, սիրելիք, ինձ չէք մոռացել
Եւ լաւութիւնը իզուր չէ անցել».
Համբուրեց Մելքօն Ասլի-Մէլիքին
Եւ որդեգրեց, աղջիկն տուեց կին:

XIX.

Տղան ու աղջիկն երբ պսակուեցին՝
Թագաւորի հետ ճանապարհուեցին
Դէպի աղբիւրը փառաւոր շուքով,
Հեծած ձիերը և անթիւ զօրքով:
Խրխնջում էին ձիերը թամբած,
Գնում յեղեկից ժողովուրդ խմբած

Եւ տանում էին լաւ զարդեր պէս-պէս՝
Այնտեղ անելու փառաւոր հանդէս:
Ասլի-Մէլիքը առաջնորդելով
Ասաց արքային բերդը ցոյց տալով.
—«Ահա բերդը, տէր, նայիր շինուածքին՝
Եւ գին դնելով մեր աշխատանքին՝
Օրհնիր դու նրան և դիր մի անուն».
Արքան զարմացաւ տեսնելով կանգուն
Բերդի ամրութիւն մի հսկայական,
Քաջած կամարով մեծ ու յաղթական.
Ուրախութիւնից խկոյն հրամայեց,
Կարմիր դրօշներ օգնում ծածանուեց.
Զօրքը հնչեց փող և ժողովուրդը
Մտաւ գեղաշուք հանդիսով բերդը:
—«Թող Աստուած օրհնէ ձեր ձիզն ու վասակ,
Զուր չէք անցկացրել ձեր կեանք, ժամանակ.
Շատ ապրիք, որդիք, խելօք վարպետ էք,
Լաւ ձեռքեր ունէք, գործը լաւ գիտէք.
Առէք օրհնանքս իմ անկեղծ սրտից.
Ես շատ հիացայ այս սիրուն բերդից.
Եւ որովհետև անուն չէք դրել
Ու, հրաշք, ... քարէ սեան դուք սիւն էք տուել՝
Դրա անունը թող կոչուի «Սեան սիւն...».
Այն օրից մնաց անունը Սասուն...»



XX.

Այդ գէպքից յետոյ անցան տարիներ.
 Ասլի-Մէլիքին եղան գաւակներ.
 Մէլի անունն էր Ճնճղափոքրիկ,
 Եղբայրների մէջ ամենապատիկ.
 Անգրանիկ որդին «վախկոտ» Յանվէզի *).
 Երկունն էլ անպէտք, միշտ խաղում վէզի:
 Իսկ Խոր Գուսանը շատ լաւ էր երգում
 Եւ ողջ աշխարհը խաղով գրաւում.
 Չէնով Սարգիսը ձայն ունէր ահեղ,
 Որ արձագանք էր լինում ամեն տեղ.
 Գաւիթ **) անունով մի տղայ էլ կար,
 Բայց թոյլ կազմուածքով, հիւանդ, ցաւազար...

XXI.

Ինքն Ասլի-Մէլիք շատ կտրիճ մարդ էր,
 Ջին ու ջանավար ոյժով կըջարդէր.
 Անյաղթելի էր կովում կատաղի,

*) Սրա անունը ժողովրդական վարիանսներում
 մնացել է մինչև այժմ մութ և անյայտ. չըպէտք է
 շփոթել իսկական Սասունցի Գաւիթի հետ:

**) Սրան ժողովուրդը «Յուան—Վէզօ» անունն է
 տալիս վախկոտ լինելու պատճառով:

Թշնամիներին դարձնում էր գերի:
 Ամեն օր բերդից՝ նժոյգը հեծած՝
 Նա դուրս էր գալիս գլրահաւորուած.
 Եւ շատ կողմերում տարածել էր վախ,
 Մշոյ սարերը գլրաւել անկախ...
 Մի օր էլ հասաւ Մուսուլ աշխարհին,
 Այն էլ գլրաւեց և թագաւորին
 Սպանեց, առաւ կինը ամուսին
 Եւ կենակցելով ապրեց միասին.
 Ինքը Մուսուլում նստեց թագաւոր.
 Եւ ժողովրդասէր և շատ բաղբաւոր.
 Կինն էլ գեղեցիկ, շատ բարեսիրտ էր
 Եւ առաքինի, հանգարտ խղճի տէր.
 Իսլիմ խանում *) էր այդ կնօջ անուն,

*) Սասնայ ծուերում Բ. վարիանտի մէջ այս
 կինը դուրս բերուած է իբր Առիւծաձի Մհերի կին,
 որի և իբր ազգեցութեամբ ամեն ինչ կաւկում է
 նա իր խորթ որդի Մուլա-Մէլիքին (?). սա սխալ է:
 Վարիանտիս երկու հայ Մշեցի հմուտ աշուղների և
 բուն ժողովրդի եզրիս պատմածների հիման վրայ
 և մեր երկարամեայ ժողովրդական նիւթերի բազմա-
 ճիւղ ազբիւրները վերաբերեալ ուսումնասիրած փոր-
 ձերի շնորհիւ՝ եկել ենք այն իրական եզրակացու-
 թեան, որ Իսլիմ խանումը եղել է Ասլի-Մէլիքի եր-
 կրորդ կինը, իսկ Մուլա-Մէլիքը նրա խորթ որդին:
 Վերջինս երբ հասակն աւնում է և տեղեկանում, որ

Որից ծնուեցաւ մի տղայ *) սիրուն...

XXII.

Իսկ Սանասարը, իբրև սիրասուն
 Չաւակ բնութեան, նստած էր Սասուն.
 Անչափ սիրում էր իր ժողովրդին՝
 Լսող հնազանդ իր ազատ կամքին.
 Բայց հօր կուռքերը անհանգստացնում
 Եւ չէին թողնում մնալ Սասունում,
 Ուստի մըտածեց ընկնել ճանապարհ,
 Դէպի Բագրատը—հայրենի աշխարհ:
 —«Քանի՛ անցկացնեմ անքուն դիշերներ,
 Միրտըս տրորեն հօրըս արարքներ.
 Կամ պէտք է զօհուեմ չարաչար կուռքին,
 Կամ վերջ տամ հօրըս անիրաւ կեանքին...»
 Ասաց ու գնաց:—Հայրը նըկատեց
 Եւ Սանասարին իսկոյն ճանաչեց.
 —«Ի՛նչքան մեծ է, կուռք, քո զօրութիւնը,

իբ հարազատ հօր սպանողը Ասլի-Մէլիքն է եղել, մի
 օր խարէութեամբ տանում է որսի, սպանում նրան
 և ինքը լինում Մարա-Մէլիք:

*) Որովհետև հօր անունը Ասլի-Մէլիք էր, որ-
 դու անունը դրին Մուլա-Մէլիք. տես Ս. Մանգլինեա-
 նի Գիւցազնական աշխարհ և մեր «Սասունցի Դա-
 լիթ»:

Որ Սանասարի կտրելով քունը՝
 Քաշեցիր, բերիք մատաղ կամատը,
 Գիտեմ, միւսին էլ կըբերես մի օր...»

XXIII.

Մայրն Աստուածապաշտ*), բնութեամբ բարի,
 Տեսնելով վտանգն իր Սանասարի՝
 Սկսեց ախրել և շատ արտասուել,
 Փրկութեան համար մարդուն աղաչել.
 Բայց Սենեքերիմ, սիրտը քարացած,
 Առաւ սուրն ու թուր, սաստիկ կատաղած
 Կանչեց. «Եկ, որդի, գնանք տեսութիւն,
 Տուր հօր կուռքին երկրպագութիւն.
 Քեզ պէտք է զօհեմ, ո՛ւր ես թոփառել,
 Խոստումս անկեղծ կ'ուզեմ կատարել»:
 Սանասարն ասաց. «Իմ հայր թագաւոր,
 Հաւատան, կուռքդ շատ է զօրաւոր,
 Գիշերն այնտեղ չըթողեց խաղաղ,
 Միւս եղբօրս էլ կըբերէ մատաղ»:

*) Ասլի-Մէլիքը և Սանասարը նոյնպէս եղել են
 Աստուածապաշտ, այնպէս որ իրենց մօր հետ ամ-
 բողջ հոգու զօրութեամբ ատելիս են եղել Սենեքե-
 րիմին՝ նրա մոլեռանդ կռապաշտութեան և անխիղճ
 բռնակալութեան համար:

Ապա երկուսով մտան կռատուն.
 — «Ո՛րդի, տուր կուռքին երկրպագութիւն»:
 — «Ո՛չ, լսիբ, հայրիկ, դեռ փոքրիկ էի՛նք,
 Երբ մենք Բաղդադից հեռացել էի՛նք,
 Ուստի չըզիտենք կուռքիդ գորութիւն,
 Առաջ տուր ինքդ երկրպագութիւն,
 Որ օրինակիդ ես էլ հետեւեմ,
 Ես էլ խոնարհուիմ ու երկրպագեմ...»
 — «Տես, որդեանկ, այսպէս — հայրը խոնարհուեց
 Երկիւղածութեամբ և երկրպագեց:
 — «է՛յ, մեռնեմ կուռքի կախարդ գորութեան,
 Յնցեց մարմինս, արիւնս գոյութեան.
 Աչքերս մթնեց, երբ խոնարհուեցիր,
 Զրտեսայ, հայրիկ, դու ի՞նչ արեցիր.
 Ե՛կ, մի անգամ էլ խոնարհութիւն տուր,
 Ես էլ կըլինեմ կուռքին անձնատուր» *):
 Երբ հայրը ծընկչոգ դարձեալ խոնարհուեց,
 Քաջ Սանասարը բարձրաձայն գոչեց.

«Ես հայն ու գինի,
 Տէրը կենդանի».
 Եւ մի գուրգ իջաւ
 Սենեքերիմին

*) Ժողովրդի պատմելով Սանասարը առաջին
 անգամին յարմարութիւն չէ գանում Սենեքերիմին
 հարուածելու կամ սպանելու...

Իսկոյն ցած տարաւ
 Եօթն գագ գետին...

XXIV.


Շուտով կռատուն մտաւ Սանասար,
 Զարգեց կուռքերը գետնին հաւասար,
 Առաւ արծաթներ, բոլոր զարդարանք,
 Իբր ազատութեան թանկագին փրկանք.
 Յանձնեց իր մօրը. («Մամօ *») ջան, վեր առ,
 Շինել տուր զբանցից զարգեր քեզ համար.
 Այլես չըկայ այն լիրբ գազանը,
 Որ քարքանդ արեց ողջ Հայաստանը.
 Նա, որ շատերին թշուառացրեց,
 Հայ ազգի թիւը նուազեցրեց.
 Նա, որ արիւնով ներկեց հայ դաշտեր,
 Պատեց թախիծով մարդկային սրտեր.
 Ո՛չ մօրկան լացը, ո՛չ մանկան ճիչը
 Զարթնացրին նրա քարացած խիղճը.
 Է՛հ, ո՞ր մէկն ասեմ, նրա ոճիրներ
 Լի են տշխարհիս ամեն անկիւններ.
 Վերջապէս չըկայ այն բռնաւորը,
 Որ մինչև անգամ որդկերանց օրը
 Ուզում էր խաւրել, կուռքին զօճելով,

*) Մայրիկ:

Բայց ինքն եղաւ զո՞ն իր որդու ձեռքով,
Փոյթ չէ. հայրասպան թո՞ղ ես հռչակուեմ,
Բայց խղճի առաջ ես շատ հանգիստ եմ,
Որ կատարել եմ մի գործ սրբազան,
Հեռացընելով երկրից մի գազան.
Դազան, որ շատից արցունք է քամել,
Շատին գիշախանձ սրերով տանջել,
Ահա թէ ինչու հորս սպանեցի,
Որով և շատի կեանքն ազատեցի.
Թող չըլնի մէկը անգուլթ, վնասակար,
Շատերի հանգիստ սարելու համար...

XXV.

Մայրը համբուրեց որդու ճակատը.
— «Կեցցէ իմ որդին, իմ Մանասարը,
Որ մեհեանները կուռքերի վշրեց,
Բռնակալ հորից «վրէժը» լուծեց...»
Ապա ձեռքերը երկինք տարածած
Ազօթեց մայրը... «Ստեղծող Աստուած
Երկնի ու երկրի, գոհանամ Քեզնից,
Որ ազատեցիր այս քարքարոսից.
Թո՛ղ կոսպաշտութեան գարշանքը կորչի,
Աստուած՝ պաշտութեան օւէնք ծանաշուի...»



Մանասարը հօր գահը բարձրացաւ,
Մօր առաջարկով վերջն ամուսնացաւ.
Ունեցաւ երկու ուժեղ զաւակներ,
Մին Չէնով-Յովհան, իսկ միւսը՝ Մհեր.
Չէնով-Յովհանը *) ունէր բարձր ձայն,
Որից սարսուժ էր բնութիւն համայն.
Եօթը գումշի հաստ կաշին արևում
Զորացընում էր, մէջը փաթաթվում,
Որ չըստաքու՛ի անեղ գոռալիս,
Մարդ գարգանդում **) էր ձայնը լսելիս...



Քաջ էր Մհերը ***) , տեսքով ահարկու,
Ոյժ ունէր անյաղթ, կռները հուժկու.

*) «Սասմայ ծուրում» (իսկապէս զնահատելի աշխատութիւն է արժ. Գարեգին Սարկաւազի կողմից) զրի առած Ա. վարիանտով թէ Չէնով-Յովհանը եղել է Մհերի երրորդ որդին, — սխալ պէտք է համարել, ուղիղն է Բ. վարիանտը, որ Չէնով-Յովհանը եղել է Մհերի եղբայրը, Գաւթի քեռին և Խլաթայ տէրը: Ըստ գրուածներում Սասմայի պահաւանների ցեղական ճիւղաւորութիւնները ներկայացրուած են բազմասեսակ ու հակասական, որ կարօտ են լուսարանութեան:

**) Սարսափում:

***) Գարապում էր որսորդութեամբ և աշխարհակալութեամբ:

Գեռ նա տանուամէկ տարէն հասակում
Սասունը տանող լեռնուղիներում
Սպանեց քաղցած վիշապ Առիւծին,
Որ «սով» էր ձգել ամբողջ Սասունին.
Եւ հսկայական այդ մեծ արկածով
Նա «Առիւծածն»*) կոչուեց անունով:



Մհերից եղաւ Սաքունցի Գաւիթ,
Մի շնորհալի պահլաւան իգիթ.
Այն զիւցազնական պարծանքն աշխարհի,
Որ չըվախելով սարսափից մահի,
Կռիւ է մղում կրռիւ անդադրում
Կեանքի ալեծուրի փոթորիկներում.
Եւ կրծքից արեան զետեր են վազում.
Այսօր էլ ազատ կեանքի երազում...

*) Երևի այս անունը զրել են Գաւիթի որդի
Մհերի պսիկ մականունից զանազանուելու համար:

Վ. Ե. Ր. Զ.



« Ազգային գրադարան



NL0321790

231

